

鳳臺縣志卷之十八

藝文詩

國朝

女媧廟三章

魏象樞

維天清虛維石頑冥煉補而後孰辨厥形 天可問乎不  
得其門如何未補仰之可捫 五色既成渾圓無漏西北  
不完伊誰之咎

初春同關太和明經登玉清宮閣北望太行山

苗胙士

鳳臺縣志

卷之十八

詩

行山高萬丈有路插青霄古樹添蒼霧春雲護遠嶢渴腸  
誰可解鄉思煞難消今日憑欄意悠悠何處招

兵後重登看雲樓

憶昔酣歌柳浪東夜深斗酒映花紅一從樓上西風急誰  
復凭欄傲醉翁

遊聖樂寺

楊時化

不耐塵紛劇心貪佛地閑寺藏幽僻處路在有無間東望  
遙通溼西來近自樊鄰村烟火遠荒歲米蔬艱人語竹雞  
散鐘聲殿鴿還風微泉活活山靜鳥關關白犬狺生客蒼



苔疊古斑流滿梳澗髮氛霧  
峭峯顏入目松皆好點頭石  
未頑緇徒謝俗冗百畝糞前

下太行

石鳳臺

病子耽於役衝雲出太行故園  
春色老古道柳絲長風雨  
隨車急山川嘆客忙君恩如可  
報誰肯負滄浪

寄題苗晉翁大椿園

朱之後

君家生饒山水趣菟裘築在桃  
花渡烟生石骨小橋西刺  
碧威神垂古樹十丈香開玉井  
蓮竹裡鳴流散清露名花  
出地幾重新紅樓嘗宿西山霞  
習考室多楹詎等閒主人晒

鳳臺縣志

卷之十八

詩

二

腹時尋句聞道留春更有亭  
余沙才子曾爲賦天荒地老  
海塵揚收拾清光貯佳圃分  
手年來十五霜緬想風流那  
得度靈威忽爾示大文名園  
記並洛陽數懸著床頭足臥  
遊髣髴指我夢中路捉筆強  
吟作報章蘇門長嘯應不誤  
咄哉戎馬東西驚糶糊雲月  
愁天步太行巉巖白日暮萬  
事何當一笑付胸中塊壘須  
消吐他日策蹇與君昭下榻  
深林布情慳物我周旋莫治  
具鴻漸之茶嬾殘芋

題可園

姚恭

流行坎止總無心一可名園  
寄興深滿眼蓁荆難措履半

區華卉足宏襟坐看蒼狗消塵晝移近黃鸝聽好音學  
漫云非若事先憂後樂此追尋

星輶驛 傳有仙人洞

王 鑑

蔓草斑斑石磴長朝來嵐翠濕衣裳溪山佳處岑樓立澗  
壑鳴時衆木涼陰谷雲腥龍夾雨暖風花氣麝含香仙人  
辟穀藏深洞無數喬松護藥房

晉民謠山行

彭而述

山民全如鼠伏處各土穴相傳爲世守卽此是家業黃髮  
急朝殮帶泥煮山蕨殘軀結百鴉蒼顏逼古鐵疑是煤鑄

鳳臺縣志

卷之十八 詩

三

成乃有氣芟芟棗樹三五株春深無萌蘖老鶻巢其上蓬  
蓬壓將折石田無欵段寸尺入冊籍昨年欠官錢又到寒  
食節懼見城中人疑是催租客

先農壇

陳昌言

上治本於農務茲稼與穡敢云南畝勞染盛在黍稷種種  
包元氣粒粒匪易得民事不可緩宵晝所當亟無逸知乃  
艱幽風其可則姬歷何八百首重在民食

中秋青蓮寺欸月臺

王 度

雙峰突兀三千丈孤月圓明萬里天人世紅塵飛不到白

雲深處老僧眠

贈吳開先

董緒

游俠新安子雄談氣若奔  
自方夷監侶不羨孟嘗門  
使氣輕千乘交情重一言  
願君仗劍去莫使世如燔

珏山咏月

茵苒峰高勢入雲一峰鐘動萬峰聲  
怪來秋月因何事不向從前峽裏明

太行道中

田六善

歸騎隨春至山山花事芬  
林深藏過虎壁峭蓄停雲草屋

鳳臺縣志

卷之十八

詩

四

依巖築荒田帶石耘問知新雨好可慰舊榆枌

普覺禪林同人分賦得文字

馬如龍

廿年前此共論文載酒重來坐夕曛  
老衲初開三徑草晚鐘遙度一溪雲  
德星乍聚應占奏豪氣橫空付醉醺  
莫問山城雞唱曉主人投轄正殷殷

謁李衛公祠有感

陳元

層嶺遙登拜古祠晉陽勲業歎何之  
千秋廟食傳今日百戰功名憶昔時  
苔鎖深宮人到少霞封古木鶴歸遲  
撫時不盡興亡感何忍英雄髮若絲

西望太行

周繼芳

一望羣山秀秋高風雨寒東迴朝海岱西去入長安  
翠嶽天垣險欽寄客路難鄉關飛鳥外遙與斷雲看

碧落寺

吳藻

參差殿閣倚晴空天際凭闌四遠通境繞烟蘿迷鳥跡  
聲傳風雨震龍宮浮雲似水流山外古樹如屏列鏡中  
極目蒼茫看不盡携尊更上最巔從

舊郡守吳橋王公祠

巖城聳峙太行阿賴有循良撫字多見說燕山賢太守曾

鳳臺縣志

卷之十八

詩

五

官渡水沛恩波風清五馬稱三異瑞應雙岐澗九河  
五十年來遺澤遠試聽輿誦尙謠歌

小山聽泉

汀寒露白景蒼涼小座溪山聽韻長  
已共秋聲臨枕簟還疑夜雨到瀟湘  
浮來紅葉添杯色流出黃花助茗香  
側耳潺湲良不厭好將塵俗澣滄浪

謁明道先生祠

馬麟友

一代尊儒吏古祠荒徑通字應書賈相碑自記文忠

祠有元郝

文忠經賈友

恒魯

野處牛毛細

見郝文忠集

和聲鶴唳空

金李

二碑魯書法

絕佳

教授生徒自號鶴鳴  
老人一時比之程子  
登堂懷俎豆誰與坐春風

春社郊遊迴文

趙日暉

橫橋斷處曲隄迴遠望遙空接澗隈晴絢日光紅靄靄  
秀呈山色翠鬼鬼輕烟淡鎖深塘柳濕露濃封密砌苔清氣  
爽然幽極目傾樽玉簫小筵開

開元鐘

後唐李嗣昭守上黨勝梁範銅  
爲鐘在開元寺後置元妙觀

陳廷敬

蒼茫陵谷開元寺古鐘猶帶開元字尋向桃花觀裏來鐘  
聲依舊浮雲翠此鐘流傳自後唐誰與作者李昭義黃塵  
清水變須臾鬪雞小兒聊角戲昭義此時亦人傑屹立孤

鳳臺縣志

卷之十八

詩

六

城下無地夾寨重雲鳥不飛余吾殘營白晝閉流矢拔足  
客不知血暗淋漓痛劈臂龍驤神捷等沙蟲銘以蒲牢母  
失墜生子當如李亞子進通忠孝先王識我怪歐陽傳五  
代嗣昭特書多可紀當時亦有劉義叟飄零頗恨文章躓  
今我來觀開元鐘與客談詠梁唐事更數百年歌者誰鐘  
聲未歇開歎喟

太行四首

天井關門跨碧空太行開闢想神功遙連絕塞羊腸盡卜  
視中原虎踞雄嵩嶽諸峰元拱北河源萬里遠隨東驛樓

斜日憑軒意回首蕭蕭落木風

家山歸處路分明北上車輪夢裏聲每憶梁公如蓋語高  
歌孟德苦寒行橫遮四塞如長塹俯抱三川似列城午壁  
亭前方畝地祇應耕鑿足吾生

此似人間路較強崔巍歷盡亦康莊穉生未解青泥飲孫  
綽空登赤石梁少華西看峰影小太行東望海雲長遺民  
敢笑唐風陋山水連天接混茫

絕嶂登臨興未孤白雲迴合盡平蕪界分韓魏初盟土表  
裏山川舊帝都曾度千峰趨大漠懶從五嶽問真圖更看

鳳臺縣志

卷之十八

詩

七

天上黃河水長作巖前雪練鋪

小山

城西前日吾來處野徑清流竹樹斜日暮出城拚一過不  
因水石爲思家

登月院山普覺寺

樹杪水濺濺羣峰矗碧天松門留曉月板屋過流泉谷口  
山城遠窻中鳥道懸前林少人跡寒磬下溪烟

午亭山莊圖詩五首

有序

酈道元水經注沁水逕午壁亭而南友人朱竹垞謂予

何不取以名其園比同在內直輒好語山水園林之勝  
於是玉峰尚書爲作午亭記當此時予未嘗有園也已  
而家居闢山村股濂泉之水鑿池其中橫橋小舟咫尺  
具煙波之勢以實竹垞之命果有午園矣蓋予所居樊  
川終累牧之城南下社之稱思有以別之且吾居近午  
壁亭沁水之涯也爰卽樊川故居又名曰午亭山村午  
亭之間山高水清林廬池舫幽居之跡則王君石谷爲  
畫焉使玉峰而在當爲更作一記他日請竹垞爲予記  
之夫五畝一區而爲名之多如此甚矣夫吾之溺於其

鳳臺縣志

卷之十八

詩

八

名也

午壁亭名載水經秦時流水漢時亭何人更與桑欽注一  
畝園中水木青

午亭人在翠微間林際清暉自往還砥柱析城至王屋天  
教看盡好雲山

吳松煙雨石湖春不到江南老竟真山水連天溪艇窄也  
能作意向詩人

西湖杭穎別圖經吳楚湖山兩洞庭獨訝樊川同小杜  
坡不比漢家亭



丹青老手荆關筆重寫天隨舊釣船晚喚午亭還識不口也  
人曾擬杜樊川

遊可寒山乾明寺

窈窕溪山路孤峰迥自尊秋花隱危石斜日到閉門鳥影  
烟中寂泉聲雨後喧法雲堪倚徙不擬向前村

珏山

鐵鎖鈎梯細磴分半空時有鳳簫聞雙峰夾送二清月萬  
壑全收太岳雲插漢桂榆垂欲下摩霄龍鶴動成羣人聞  
何限卑棲意待剪香茅嶺上耘

鳳臺縣志

卷之十八

詩

九

老姥掌

夜靜山月高照我山樓上微聞松蘿風遙遞石泉響

洞陽山

別久蓬山不記年洞陽山色故依然萬松枝上千巖月人  
道清都一洞天

重題梅花寄宋牧仲王阮亭

冉冉孤華若木陰瓊姿人在信銷沈椒蘭永歎迷香草松  
柏猶期老舊林石瀨濺濺流水遠汀沙澌澌夕烟深相思  
難把寒枝贈月落霜橫有夢尋

辛卯二月二十二日

賜午亭山村四字 賜聯云春歸喬木濃陰茂秋到黃花

晚節香 諭云朕特書扁聯賜卿自此不與人寫字

矣臣感而恭紀二首

午壁亭傳在水經太行千里數峰青自驚倦鶴尋巢樹忽

覩飛鸞下 御屏 聖筆如山齊 萬壽 天文並日永

餘齡嘉名曠代 親題與拜賜頭銜號午亭

老至思歸不為名荒山野水亦關情極知 王聖憐臣願

豈忍時清謝世榮身是全人勞 一語香仍晚節蓋平生

鳳臺縣志 卷之十八 詩 十

春來秋到閑花木長養 恩深樂化成

同友人過十八盤 張天斗

款段度疎林相憐水石音曠懷忻地僻高鳥悅山深野火

連朝爨溪雲帶遠心行行類四顧雅意足登臨

題午亭山莊圖 相國澤州歸里 第十二首 選四 查慎行

天井西來第幾陁浮嵐千里拱翠屏井西道人畫不得自

有此山無此亭

萬文光芒臨一州 宸章奕奕垂銀鈎烟霞指點最深處

中有 御書縹緲樓

壁午橋名偶同佳名豈襲裴令公屋頭山色屋下水多  
載桑經鄴註中

展卷尋常思釣遊太行天半阻歸輶誰知老鶴出羣意早  
在千花塢上頭

食半翅二首

朱彝尊

賦物憐窮鳥營飛日幾迴遠依黃鼠穴低捨白龍堆不用  
深弓射恒愁短翼摧年年隨凍雀重馬紆千來  
味合添雛笋羹宜配凍醪登盤人未識入肆價須高且緩  
思鴉炙全勝食雉膏莫愁嘗易盡讒鼎戒貪饕

鳳臺縣志

卷之十八

詩

十一

下太行

陳宏度

巍巍太行山高與天齊俯視部婁但亦爾爾疊翠圍兮千  
峰延綿亘兮萬里陡折翠嶺修塗嶮巖勁風驅雲根遠岫  
沒山嘴林端落葉鳴木末高鳥起石稜稜暑齒齒今人古  
人亦已矣客徘徊其間極目天際但見長河送流水

下太行經狄梁公望雲處

田宅中

嵯峨太行顛上有崎嶇路道傍題片石梁公望雲處公昔  
經此山俯見河陽樹回望白雲飛悵然久不去想見孝子  
情不忍頻叱馭遊子胡爲乎悠悠祇自誤

孔子迴車蹟

趙介

攬轡何年入晉關豈遭按劍載愁還頓思斜日行山路仍  
帶春風闕里間半嶺塵蒙車轍跡千秋霜冷墨花斑遺踪  
今古知多幻且學傳疑未敢刪

過迴車廟

席敬事

大道自經天寧關行地轍東周其可爲佛眸豈能淫悵悵  
欲何之栖栖願每切迴車亦偶然漫道晉人劣

澤州使院古松

王士祿

三株並是青牛質久愛欹松亞復盤入夜龍形殊益怪隔

鳳臺縣志

卷之十八

詩

十三

窻濤響不疑乾人如僧憇心堪寂舞作胡旋勢未安韋偃  
畢宏那貌得祇須拭目百迴看

南歸自交城行至太行道中卽日書寄從弟崑霞

洪嘉植

孤雲十日太行連行過交城澤潞邊藏雨溪聲春水碓焚  
菑山春種梯田楊花吹麥經冬雪蠶女條桑擘曉烟風土  
民生衣食在封書爲報長官賢

憶柏崖

張肇暉

萬疊青山當戶牖一灣流水繞門牆清風明月誰爲主午

夜松花入夢香

憶小山別墅

先世園林郊郭間  
滿階流水滿房山  
主人腰折平江米  
負山中水石閒

寄懷蘇子靜

張肇昌

潦倒風塵日  
春臯憶老泉  
並忘採藥逕  
只結隱綸緣  
一室乾坤大半床  
邱壑全閒中  
無個事披咏  
白雲篇

太行山行

盤迴入蒼翠  
欹側周陂陀  
立馬獨延佇  
白雲生女蘿  
秋鴻

鳳臺縣志

卷之十八

詩

十三

淡無影澄溪  
寒有波  
山家動砧杵  
如此月明何

贈趙二瞻

士元潦倒甚  
車上看屏星  
鴨禪浮池沼  
蛛絲結戶庭  
秋深拾木蜜  
雨霽覓菌釘  
鏡裏也頭白  
家山眼欲青

投知引贈張伯將二府

程康莊

吾鄙素言豪俠士  
後有青主前伯將  
青主去救袁夫子  
千金擲地神揚揚  
抗疏共我見天廟  
袁師乃得歸故鄉  
至今抱甕絕人事  
埋光鏟采遊何方  
張公百將不可及  
癸酉高名滿大邑  
風流不數樂與王  
剔華採藻如波急  
予時籍甚

少年場龍文百削聲猶澀張公不棄爲兄弟勝流往往成  
雲集開花寺中列綺筵嘈嘈贊贊奏朱絃永新樹子風情  
在枕麴承糟轉可憐我每登龍居上座托公叔姪稱盡賢  
自謂青雲期反掌誰知棄繻復空還壬午秋闈更一遇風  
塵慘淡嗟遲暮公今坐嘯在鄴都富貴應不違其故嘗聞  
冰雪畏人知轉見屏蔽開鑪鑄虛舍求賢似李邕隨車獨  
有甘霖澍歎我終年日益貧空懸簞陋羨隱淪值茲兵燹  
流離後疇是當年石契人嗚呼青主身良賤自爾非公難  
具陳不然相識滿天下世間誰有如公仁

鳳臺縣志

卷之十八

詩

十四

太行絕巔望黃河歌

趙執信

曉日欲放山盡紅行人犯曉行山中連峯障天望何極唯  
餘雲氣寒濛濛冬深冰雪塞大地只虞馬跡無由通前臨  
忽覺地形逼兩河烟樹閉千重中間烟斷樹滅處青黃一  
道連高空初疑當風曳雲錦又似東方升蟬竦料量始識  
大河見勢擬天闕懸飛龍崑崙倒瀉幾萬里劃分南北無  
始終蜿蜒勝已控秦豫奔騰氣欲吞華嵩眼底太行將恐  
汲古來雄觀何能同我聞近年水大漲舟楫日夜相撞春  
有時青天萬艘失咄嗟人命隨悲風江淮相接湫巨浸因

廬盡作蓬蒿叢海門不啟河伯怒坐令堤埽難收功卽今  
遙望僅如帶晨光指點愁匆匆可憐黔首半魚鼈漫言遊  
子開心胸

山行雜詩二首

嶺路盤盤行欲迷晚來霜霰忽淒淒林間風過猶兼葉澗  
底寒輕已作泥馬足感時疑地盡溪雲多處覺天低倦遊  
莫訝驚心數歲暮空山鳥亂啼

絕巘平臨遠目開天風吹我離氛埃路於殘雪消中見人  
自羣山闕處來樹外連峯橫作鄣馬前雲氣散成堆平生

鳳臺縣志

卷之十八

詩

十五

蠟屐幽尋興落日登高首重迴

下太行入河北

萬山圍馬首峻嶒行相逼如入稠人中倉皇亂迎揖連朝  
躡危險徒侶疲登陟曉看白日近漸覺山勢急前路紛羊  
腸下赴將何極眼明見平地河色漾寒碧浮雲千里通清  
流一線直參差散林莽指點辨城邑久行望彌真屢下境  
轉偏迴視高峰顛一一詫所歷野曠山盡收村晚天半赤  
向風指孤煙息此窮日力

天井關

試凭雄關望偏增容意豪驚風吹澗直落日覺山高亂樹  
入雲盡悲禽分野號從來爭戰地覽古首頻搔

發澤州宿星軺驛盡日行太行最深處

出郭未十里陟嶺凡幾盤徘徊初日影隱見羣峰端遙空  
歛餘陰山風增曉寒我行曾冰中仄徑愁躋攀馬壓後人  
頂足滑不得安縈紆自信地倒側惟隨鞍久依懸厓轉每  
疑絕壁穿歛同鳥上下紛與雲勾連平臨衆皴出旁見高  
天寬四山森列笏戢戢爭荒烟林木接蕭瑟萬壑寒聲傳  
牛羊入殘雪蠕動叢莽間登頓倦行侶曠覽開心顏日晚

鳳臺縣志

卷之十八

詩

十六

見人家列屋緣層巒斜陽明萬瓦烟火動夕餐不厭野宿  
孤盆羨山居便溪黑虎豹嗥月出烏鵲還歲晏遠爲客中  
宵起長歎

奉酬太宰陳說巖先生二首

吳 雯

悠悠只如此還念舊山期來以鶯花候歸當雨雪時瑤華  
感相贈楊柳悵空垂百拜懷春酒仍求壽母辭

著述誰能並尊聞有舊堂人爭推吏部世久說歐陽詩入

午亭古書迨丙舍蒼葢山六角扇真許耀家鄉

公近構午亭較其全

集



經太行絕頂同范青漪

路出羣峰外雲生衆壑中氣通神鬼宅聲振古今聾雷雨  
分晴晦乾坤在混濛清詩傳謝朓搔首羨君同

太行山蚤發

晨風迷曉色辛苦戒同行不辨水流處惟聞泉亂生霧深  
石磴險月落草珠明一失孫陽後鹽車處處程

道中問俗

鄭洛

仗節觀風逐太行晉城遺俗自陶唐幾家茅舍千山暮一  
逕烟蘿五月涼雲裏孤城藏市井雨中高嶺見耕桑民間

鳳臺縣志

卷之十八

詩

十七

生事猶難問巖谷蒼茫思未央

題徐氏義居

自徐貴徐俊徐璣以下凡七世

彭鸞

孕秀鍾靈本太行故家喬木倚雲長百年孝義騰三晉累  
世衣冠萃一堂懿範追攀張氏轍高風遠播鄭公鄉他年  
太史收遺事麟筆書題更有光

書院村傳爲程子鄉校舊跡

朱三才

出門尋山水放轡一馳馬愛此書院村佇策觀其下名儒  
鄉校傳春風流四野鄉校七十餘至今存者寡惟此獨擅  
名遺踪誠非假白水相縈迴萬斛明珠瀉環山開鼓鑄洪

時聞絃誦聲士氣猶瀟灑至今八百年口碑  
民社我亦讀書人向慕心藏寫俎豆尸而祝弔古懷大雅

遊小山

官于宣

有水在山裏有石在山間應題一片石號作小寒山不逐  
烟波去空憐砥柱閒點頭堪共語坐拜正非頑

東司四友詩次汪公韻

陶自悅

參天老柏標孤潔三松負牆如立雪雪摧霜剝幾千年年  
年笑看繁華歇層霄清蔭自婆娑易葉何曾一改柯許我  
結交成五友嶺頭堪贈白雲多

鳳臺縣志 卷之十八 詩

六

東司四友 庭有一栢三松故以此顏之

汪顯

忘年好友齊高潔歷盡太行山春雪相望相守遠俗氛有  
風長嘯無風歇蒼烟明月影婆娑未許凡枝接素柯不見  
商山惟四皓古來高士不能多

再過濩澤試院喜瞻老檜有贈

露重香清散碧天風輕濤細響幽泉與君似訂三生約許  
我能逢再晤緣應解舊囊無長物轉憐新雨結蒼烟良宵  
舉酒頻相酌欲共掀髯話月圓

題寶巖寺

程之瑤

花園村踞太行巔上有古剎栖枯禪入夜金燈往往出乍  
明乍滅樹林邊觀燈佛子歸佛力自我思之恐不然中土  
無佛山卽有此燈燦爛幾千年非從白馬馱來物不稽之  
語莫輕傳暇日偶看草木子謂燈皆是山靈宣明珠一顆  
能潤浦良玉一片能輝田寶藏之興萃陵谷自然光怪冲  
雲天峨嵋簡州衡嶽地匡廬天章太白前到處有燈驚耳  
目豈皆天竺種竒緣儒者所言良不誑霧釋冰消何惑焉  
鄴下崔生名下士流連景物題詩篇才華俊逸但佞佛佛  
曰豈借燈增妍我作此言告來者讀書明理莫牽纏山歸

鳳臺縣志 卷之十八 詩

九

山兮佛歸佛鑑朗衡平兩不偏

輓李烈婦秦氏

田從典

朝梁暮晉人皆鄙然諾不侵惟烈士夷門監者燕先生引  
決如歸報知己由來此事困鬚眉况是閨中兒女子長平  
李婦何烈烈慷慨悲歌竟相似髭彼兩髦痛忽諸死則同  
穴長已矣白頭不共處士春紅顏盡墜夫人七摩娑霜刃  
甘如飴一傳未殊心未已杞妻號泣摧齊城聶姊悲哀赴  
韓市廬江皆誦仲卿詩上虞長記曹娥誅若使重編天祿  
傳指似幽光堪比美是日北風牛馬鳴慘慘日色下濛汜

定知龍劍埋玉匣夜犯斗牛光氣紫青苔白骨多古邱百川東逝不可止但令造次得死所生氣凜凜照青史

濂村踏青詩

陳豫朋

濂泉鑿山翠濂村傍山曲何人解往還地偏遠塵躅環流清且漣一雨添淨綠花光浮瀲灩柳綿飛斷續初晴東西  
玲喜見桑麻沃開襟竹裏風欹枕松間局勿負眼前景且盡杯中醪

可寒山乾明寺

絕壁生寒雲高林下斜日崎嶇歷鳥道步履增凜慄扶筇

鳳臺縣志

卷之十八

詩

三

見丹楹清磬半空出曲徑幽以深流泉清且滴老僧來相迎禮數任坦率餉我霜柿紅味甘比盧橘爲言蒼翠間勝賞推第一時序屆嚴冬朔風飄瑞霽漫空飛玉塵凍影萬峰密茲山獨靈竒雪花落旋失疑有神物憑澗茫不可悉棲隱俟何年言採芝與朮

樊山

絕巘登臨強共欣一枝藤杖破霞文傍祠野鳥馴如識曝背斜陽煖欲醺黛染嵐光秋色舊烟開林影翠痕分山深晴晦渾無定雨意俄看起暮雲

老姥掌同孔雲岫

萬疊雲嵐細徑幽翠微深處恣閒遊澄泓自有龍潛沼絳  
緞渾如蜃結樓林際駢駢松子熟石邊椿椿藥苗稠詩中  
畫意山中景都付倪迂筆底收

遊聖樂寺

陳壯履

聖樂身曾到青松夢屢尋上人竺乾老古寺煙雲深猿鶴  
竟無恙鐘魚遠餘音携琴巖下坐疑有水龍吟

望太行

奉命祭告南嶽  
途次新鄉道中作

望太行胡爲爾太行連縣幾千里中有鬱然深秀諸奇峯

鳳臺縣志

卷之十八

詩

二

壁立平岡插天起西北山多各具名論名未若太行美此  
山獨居太行顛惜哉何不從禋祀曾聞鴈門雄勢宗恒山  
根底此山成嶽峙此山近帝閭呼吸通元宰此山能出雲  
膚寸潤四海吾家太行山之麓王屋析城鎮相屬網羅冉  
冉萬山間馬上徘徊空轉矚望太行亂心曲

新秋雨霽過長平驛宿高都途次偶作書以誌懷

勵宗萬

馬蹄應識晉陽程驛吏循環管送迎憶昔有情尋舊句重  
來無恙問諸生天空錦色雲鋪就沙際綉文水織成客路

欲忘秋到早 柘桑陰裡嫩蟬聲

遊洞陽山

陳賁懿

詰曲樊山麓 幽逕連崔嵬 石梁下瀑布 雨過驚濤飛 駁馬  
登古剎危閣 堪憑依 仰面瞻真跡 洞門掩翠微 仙人去不  
返 空餘黃鶴磯 歲月倏今古 僧徒無是非 趺跏共茶話 緩  
策莫忘歸

友山園

衛璠

西嶺蜿蜒接太行 巍然屹立俯山莊 浮圖半向金翹隱 蘭  
若全從玉葉藏 舒卷隨風紛變化 淡濃釀雨漸鋪張 朝來

鳳臺縣志

卷之十八

詩

三

扶杖凌丹巘 不禁思親意 澹茫

聞陳白村秋捷

白村居梅莊  
山水最勝

梅花村屋桂花天 戲綵衣霑柳汁還 聞說山池烟水碧 教  
來應泛孝廉船

澤州道中次勵巡使韻

夏之芳

官程日夕傍山程 翠嶂丹崖互送迎 地軸千盤疑浪轟 轟天  
衣四合欲風生 唐民止解桑田急 儒吏曾聞鄉校成 奉起  
檐帷頻問訊 可能不負誦絃聲

琵琶法

陳觀顯

潯陽寂寞賈人家分寄繁音到水涯豈是曹綱曾盟玉  
溪也解撥琵琶

咏兒歸鳥

田懋

熟種何由種得成兒歸空自了殘生只今也悔當年錯腸  
斷西風夜半鳴

澤州冢宰歸山右偕行賦呈

廖鳳徵

五載身依絳幄問高吟清讌每追攀不妨歸隱甘離索爭  
奈臨岐愴別顏馬首塵勞消白墮龍門著述傍青山黃榆  
風急霜紅候跋越寧憂險道艱

鳳臺縣志

卷之十八

詩

二三

過太行

屈北雄

仗劔行千里離家已二毛春光流水去日暮太行高龍脊  
乘難穩羊腸踏欲牢雪消陰更險逕仄滑於膏逸興忽飛  
動閒愁漫抑搔偶回三晉首直控五原尻世鮮南宮敬誰  
知北郭騷朝周輕玉馬入海釣金鰲風力臨崖猛雲情作  
雨豪關山猶未極登頓敢辭勞

天井關

兩界中分處春開天井關光風遊四海落照滿東山沙雪  
共原白鶯花今尙閒勒銘殊未遂留夢水雲間

宿青蓮寺

苗喬年

太行最深處山斷露禪扉石阪水流遠板橋僧自歸洞幽  
雲上屨谷冷翠生衣松下犬迎吠從知過客稀

初地來如舊前身我亦僧塔危留晚照樹裂掛垂藤兔角  
明真諦牛車悟上乘心清何夢寐枯坐佛龕燈

不作化城住其如塵垢何池遊放生蚌籠畜換經我鳥山鳥  
聞鐘散風泉入夜多閒中春又暮紅杏滿巖柯

徒有青山志閻浮又著鞭此身原幻夢何日淨塵緣晨漱  
月當戶早行雲滿川松風驅俗客回首意茫然

鳳臺縣志

卷之十八

詩

二四

太行

張耀先

生平說眼界終被太行闕今登太行巔始覺中原濶

太行山阻雨感懷

崔應階

千里携家憇驛亭太行風雨暮冥冥北堂望斷門無倚南  
國歸來鬢欲星遠水寒流千澗白亂雲還擁萬峰青黃河  
一線何時渡湫湫愁懷總未醒

星輶驛送浦子良還吳

同作還家客歸途復送君傷心孤驛雨惜別太行雲握手  
知何日驪歌不忍聞扁舟如訪戴吳楚一江分



莒山題蘭相如廟 地名全 玉嶺

朱樟

一失連城間道行前川明月接蒲津母勞血濺已歸趙不

待雞鳴早脫秦瑤草暗迷完璧路好山猶對負荆人 米山 廉頗

故蹟亦在望中 叢堂燈火邯鄲瑟不及茲鄉禱祀頻

鐵花行

羊頭山鋼飛春黍粒破釜夜鳴坤母泣 鐵花例 用釜毀 礦穴分苗

照上元冶師煉魄當壚立懸牌報熟十二時石炭氣銳烝

紅遲羯鼓停催花未發土銼排寒蟲不知一火人面青二

火人面白面面相看醉纈生潑地熟紅収不得銀兔翻漿

鳳臺縣志 卷之十八 詩

二五

玉杓分樹頭結綻芙蓉色轉眼狂花添客慧絲餅穿天補

闕事解衣忙躍潑寒胡簇蝶驚傳撒珠戲箭壺一擲電睽

張顛倒落花如雨墜暗塵馬過鑠頻開爛額客呼星退避

譙樓鼓吏報二更海綃四照天為青阿奴投燭出下策試

問汝曹見未曾吾鄉苦於祝融厄悲燄乍起搖心旌赤蛇

吐舌不停掉壬夫丁女何無情麥田吐秀杏園坼所見陰

火同青熒 南麥及銀杏夜 花皆小於此 世間快事那踰此醜樹得暖留

冬榮 樹得鐵花來 歲張王更甚 湘君簾外春雲暈唾落香絨黏紫鳳他

年重現散華身寶燭龍宮託初夢

自曲梁掌入窰嶺口問濟源分界處

界碑離立兩相望嶺底聯綿度鬱岡過客乍看知刺促刺促

見番岳閣謠詩不開懷也居人久任亦淒涼崩崖雨漏通雞棧土人以樹枝接

路為雞棧殺草霜濃踐鹿迹尋到深山更深處但愁飛劍倚天

長

### 咏火判官

家家欄檻爛星辰暖眼何曾起暗塵丞相嗔來能炙手鄮

侯火迫已班春官街到處藏温戶陋巷於今少曲身煖得曲身

成直身見孟東野炭詩點雪爐邊消內熱不嫌太守獨清貧唐史源休導朱

### 鳳臺縣志 卷之十八 詩

三

此借號姚合言勸圍奉天二人自比蕭何皆笑為火迫鄮侯火迫急忙之謂

### 咏半翅

窮鳥堪充席上珍窮鳥見家竹垞咏半翅詩紆干凍雀許為隣飽聞巖

瀨非癡語子陵云卿言不痴此非痴語也出高士傳誰信襄陽有半人用王乍

壓紅糟冬味美得兼黃鼠歲盤新偏容爾輩多慙急觸網

類收自在身爾雅鷓鴣寇雉為鳥慙急

### 澤郡元旦門設桑火以松代之用東坡韻

月額厝新火照耀夜不寒絕似絳帕吏燒香迎紅鸞糝盆

圍樹根釀和春一團恐被元緒笑伐汝同芳蘭維桑合恭

敬樓葉青如槩懿筐王蠶職豈忍折斧殘此鄉尙繭絲  
母發永嘆俗薄宜改而喜氣生門闕

遊小析山

范大中

何年鴻鶴列軍營此日猶傳司馬名

小析山從山石威稜司馬分下

餘戰氣秋風蔓蔓草野烟平

歷歷川原野色寬秋田早刈綠雲殘遙看隴畔人歸去樹  
外斜陽帶暮寒

大陽讀北齊碑

秦嶠

水出陽阿蔭松杉夏日遊集同人咸禪關欲尋金石碣蚪

鳳臺縣志

卷之十八

詩

二七

泥蟻篆分毫撮共說高齊有遺蹟豐碑百尺千佛嵌二千  
大千總世界一指從教參經函心心相印法象古面面相  
看笑口緘年深多有模糊處再三滌刷苔蘚芟河清二年  
歲癸未五月午未日分劊雜兼篆隸留眞體記事古雅超  
等凡上爲皇圖祝福壽下爲閭里安民署中正長史標姓  
氏守令叅軍列階銜男女眷屬普供養細書不憚語誦誦  
是年蟲旱發賑卹或因靈麻慧眼監天地日月十二字殺  
鑿飛上工鑄鏡唐代武后矜剏制食人唾餘羞貪饒當時  
武城好營造許多宮苑龕佛壩總持興聖各成寺雙堂三

臺巖驚巖詔書一下民胥效舉國若狂爭和誠法林

寺在

村即廣福寺

亦有天保記凋零寒泐不可瞻惟此碩果存不食

坐讀手捫辨珉瑊夕陽落樹弗忍去盤桓如將終日僂出門猶復頻回首旛斜搖曳飄如帆

太行

苗大素

巉岉長劍倚天門乘興登臨落日昏北戒山河雄上黨太行形勢俯中原雲開古戍三川見峰壓重關萬馬屯秋色遙看諸界外蒼茫元氣接崑崙

一帶危峰拄晚暉冀州表裏古王畿雲從補後捫天近山

鳳臺縣志

卷之十八

詩

二

為移來拔地飛梁晉戰爭何處管是唐虞風土未全非直須携取驚人句高問蒼穹坐翠微

半空山色落雲端翠壓中州萬里寒二水帶環圍月院九霄剗劍會天壇輪催驥足悲嘶苦阪阨羊腸過往難不到碧峰三十六玉虛誰識太清宮

程明道先生祠

陳名儉

立朝經濟善初終理學真詮百世功小試牛刀晉城邑絃歌流行溯遺風

洞陽南院感舊

琳宮幽剩翠峰腰憶挈詩囊載酒瓢丹灶久殘亭樹北一  
泓流水咽膠膠

重過司徒村口占

王熙載

繫馬長楊愛眺登重尋古意更無憑此村知與崔家近司徒

毗近 遮莫司徒出博陵 北魏崔浩  
崔莊 官司徒

周孝侯墓

秦百里

地以周村名村有周處墓首邱在荆溪此墓似有誤馬革  
裹尸還詎能紆其路或者從軍人招魂衣冠附墓前古祠  
荒陰森鎖夜樹時有寒鴉棲長夜啼曉露我來展遺像威

鳳臺縣志

卷之十八

詩

元

靈猶如故力能三害除名在一死赴豐碑古道旁過者多  
感慕日暮天雨來如聞英風怒

郭庄

秦學溥

羊腸盤折下山村誤入岐途斷客魂田父競忙新熟麥老

僧乍啟古祠門共言仙蛻留元妙 村為二張 未必公侯長

子孫 廟有後晉石幢列郭思俊為太傅尚書威武縣侯 靡  
開國郡公官階史失其名村中多郭姓問亦不知

馬已疲奴力倦投來宿處已黃昏

焦山書舍訪趙石泉續夢中句

董謙吉

相逢傾白墮快語入黃昏谷響風千樹山圍月一村 夢中句

草蟲如有訴衣露欲無痕一片空明景爲予滌夢魂

西司松

吳煥文

建興古郡多古松郡齋西畔猶虬龍台星纏次雁行立三  
命偏僂滋益恭年深未免遭剝落祇餘一樹留春容聞說  
錢唐朱太守朝夕摩娑不釋手解帶長吟吏散衙凝香燕  
寢茶盈臼識寶真逢洋舶買知心惟對蒼髯叟愛護如同  
晉始寧築以小亭顏獨秀松知人意獻嘉祥蒸出芝菌爲  
公壽自公之去幾多年亭圯松孤劇可憐斤斧取脂馬磨  
疥翻遜桃李爭鮮妍衛公子荆善道古昨年偕我盤桓撫

鳳臺縣志

卷之十八

詩

三

未能移榼向名園欲倩韋張問貌取豈知隔歲閱滄桑虬  
蓋龍鱗半慘傷襄陽偏屢習鑿齒湘東眈視徐妃裝差勝  
溝中餘斷木一息立見偃且僵嗚呼榮落乃如此長生須  
學長不死願取菩提淨土栽好與蓮花結終始

讀北史弔陸長史士廉

呂元亮

殺氣陰沉戰血添忠臣義士兩能兼於今祇報裴侯賽誰  
祀當年陸士廉

余朱兵勢捲風雲一腔熱血堪報君魏收佳傳千斛米應  
知穢史遺參軍

遊方山

秦德謙

尋山厭山平臨水愛水復偶以貪竒過崎嶇遂迷目不  
昧所往寧作窮途哭攀藤下懸崖股栗駭童僕出谷逢樵  
人指與田家屋田家多殷勤為我餉豆粥計日再重遊猶  
恐路未熟

開元鐘歌

張承綸

歐陽已老羲叟倦五代遺文搜未徧古黜萬石開元鐘大  
書特書紀攻戰晉陽甲兵捲地來踰年夾寨重圍開臂血  
縱橫李昭義冶金重費勒銘才迄今色相間青翠斑駁猶

鳳臺縣志

卷之十八

詩

三一

存天祐字老龍鬚鬚空中蟠途人誰識開元寺蒲牢夜吼  
如鯨鏗蒼涼尚使魂夢驚老僧定後殘月落恍聞當年鼓  
鼙聲

石室嶺秋晚

嶺有楚王廟及元魏石佛像有記刻石

牛錫齡

嵐翠襲衣襟看雲坐遠岑鳥驚黃葉下泉響暮山深斜日  
楚王廟秋風漢武吟北朝留石室老樹更陰森

段長官正卿墓碑

李東旭

大書深刻筆騰拏柳骨顏筋共一家神物應寬雷火劫夜  
來風雨護龍蛇

撰書皆係劉靜修書學大柳兼隸體

歲寒課子

閨秀 陳衛氏

梅花獨放歲寒枝  
夜靜機窓罷織時  
寂寞深更人不寐  
青燈黃卷課孤兒

束裝將赴滄洲

閨秀 陳靜淵

悵望滄洲千里餘  
未行先費幾躊躇  
四方原是男兒志  
閨閣何堪別故廬

大會砦

姚學瑛

宋時傳大會砦  
列萬兵屯野火燒  
殘壘荒烟淡遠村  
石盤愁去徑繩樞  
下柴門入影夕陽  
散空山易暮昏  
宋太祖屯兵大會敗

鳳臺縣志

卷之十八

詩

三

李筠

景德寺觀宋牒石刻

信識景德寺勅自景德年文正押花字

王文正公旦

馮李相後

先馮君官此土

馮文肅公拯

惠政馨香傳入為容臺副同寅協

比肩王公品望重仰如星斗懸  
李公聲價貴渾如金玉全

一代極盛日而乃好神仙  
求仙誠云幻佞佛亦或然  
當時中書牒黃封下聯翩  
此地存其一已足  
光枯禪秉燭玩遺跡  
拂摩忘夜眠

書彌勒寺磨崖壁後



環城周圍山作障十里五門若拱向中有碧落稱名竒攬  
轡走馬陟其上老僧指說古石龕丈六金身佛無量磨崖  
久成無字碑風雨泐殘龍蛇狀旁有小篆八分書僅存厥  
名姓已忘幽洞深處秉燭遊拂拭遺碣誠曉亮其一北魏  
孝昌年歲在景午辭不妄其一萬歲通天時竒字全依后  
所剏吾謂此寺先北朝開山不自唐代創和平初有曇曜  
僧鑿空雕作莊嚴相或者韓王踵遺踪再爲式廓增麗壯  
房妃祈福黃公書鐘鼎蚪蚪紛盤盪義叟搜羅苦未周歐  
陽遺文缺採訪郡齋空傳敏求文二本至今全佚放君不

鳳臺縣志

卷之十八

詩

三

見嶧山野火薦福雷古來神物多淪喪

壺壁  
壺一作臺

林荔

雄定關前形勝地壺壁曾列登國幟久從征伐知兵機老  
智原可扣囊次兩翼分張居上游一戰河曲千軍潰歲在  
鶉火長子亡逆賊肯留子孫累缺齒爲缺識文成庫勾未  
能綿再季當時戰功雄且豪至今殘壘尙可示土人謬傳  
壺坪街俗口佶屈訛所致黃昏日落丹水流咽盡霸氣消  
往事

自高都南下觀丹河

北來泣絕水交滙便成丹月印三霄迥沙明兩岸寬戰場

傳谷口

魏源子恭屯兵丹谷

禪悅在經壇

慧遠擲筆臺在丹河北岸

勝地終須到

何愁路屈盤

### 開元寺銅鐘歌

開元精舍久淪失尙遺銅鐘記其實移入元都構層樓架  
梁高懸光流漆古色斑斕字模糊寒泐二三餘六七前書  
昭義節度名隴西郡公用特筆後稱天祐十一年分別歲  
月定甲乙紀功別載駢麗文沿流二唐華藻溢當時潞州  
困長圍水洩不通飛鳥逸夾寨陣前橫如雲亂柳營中幽

### 鳳臺縣志

### 卷之十八

詩

三四

如室白馬間道輕騎來殺氣昏蒙連天密知兵孺子同先  
王大聲暗鳴兼咤叱符昭授首懷英逃一戰功成勝可必  
鬪雞小兒援作功範銅爲鐘銘諸日寧似魏顛破秦歸鑄  
以鳧氏勲名裔相傳澤潞鐘有四祇今觀中獨存一晉得  
澤州自何年歐陽搜羅苦未悉據此便可叅遺文編記足  
補史所軼鯨魚欲動蒲牢鳴一聲大叩凜而栗靈物常留  
霸氣沉更深夜靜風蕭瑟

### 垂棘山

駐馬高都南一峰當戶牖傳爲古垂棘玉洞不可扣門

坐其旁沁人寒氣透此地本翟封春秋初地爲羨壁鐸自

守如何希世珍而爲晉人購晉人竒貨居號亡虞隨覆繼

世滅赤白邊父不可救鐸已獨晉疆山不改垂舊柯野

苔荒產璧原虛謬韞玉山能輝頑石少靈秀獨餘青蒼松

間雜雲出岫別後茲山名山經或疎漏不見崑山陽并無

片玉售

客有談小山之勝者率筆記之此山在柏山下佛頭山南

蠟屐折且殘塵勞甚已憊問說小山竒孤秀拒絕隘羣峰

圍作屏一水流成派上有真武祠松柏雜荆蒯竅開玲瓏

鳳臺縣志 卷之十八 詩 三五

窟穴中看光怪每出鬱林石恨少米顛拜兵火從未經遠

烽息壘寨半翅痴不鳴行脚走忘唄閒寂空谷逃聲跡絕

感喟桃源久迷津此非人境界我欲買山居無王誰能賣

祇合約日遊臨風把酒快

鶴鳴堂懷古 王 雯

孤鶴本軒軒凌空風作御詎以十年棲而爲驚人語聲雖

聞於天倏爾振翮去高飛雲在霄網羅安所懼此意誰解

人達者深心寓鶴鳴顏其居莊靖先生處先生品自高易

代羞恩遇安車送還山遺老前朝著絳帳多生徒鸞翔與

鳳翥易日鳴在陰其子和聲助翼之待其成王國留儀  
先生不可攀華表仗仙馭

馬牢川懷古

姚學甲

天關原爲三晉門半壁東南在腋肘晉人初有昭義軍叛  
將反爲汴梁守潞州已降濩澤急夾城長圍潰不久太原  
輕騎潛地來風雲變色蛟龍吼馬邑健兒冠三軍橫舞長  
稍丈八九陣前大呼索肥人沙陀穴處吾向有馬牢川前  
魏虜屯滅此朝食殲其首一戰重恢舊河山季筠就擒從  
周走功高賞薄雄心灰羣謀搆死讒人手河陽城北逸兔

鳳臺縣志

卷之十八

詩

三

狡邢州西市烹走狗腐骨已隨黃土埋戰場猶傳父老口  
天陰雨濕白晝昏鬼聲啾啾聚成藪忽疑深樹排旌旗又  
似長夜鳴刁斗壁壘有星照荒營形勢何如漢細柳至今  
過者尋遺踪名在青史稱不朽

重過水西

愛此山村各重來我猶故老馬知岐途酒家識平素如何  
丹川流竟似汾上路暝色籠夕陽光散水西樹

趙暇汾上  
宴別詩有

日落水西  
樹之句

坐待明月上 一輪滿東山臨茲水西岍水與月俱閒遙情

千里結客途萬愁刪披襟相對賞何地不鄉關

### 徑谷聖燈

徑谷十里秋風勁天陰月黑禪窟淨舊聞金門寺前燈山僧指示名曰聖俄爾一點山中明浮光吹亂遙帶映初疑熒熒鬼燐生又似螢火各分併魚龍作戲珠光吞星斗落地流輝迸吾初見之得未曾眼花迷亂立不正遠者如相迎近者如相競散者紛而行聚者肆以橫誰爲搏其華誰爲執其繁君不見紫薇郎傳布人間存實証又不見元遺山吟入長句高歌詠愧我筆力如紙綿欲賦靈貺無人倩

## 鳳臺縣志

### 卷之十八

詩

三七

獨喜毫相印心光神工不知何權柄想爲鷲嶺竒化多照見大千目徹鏡佛法定有燈可傳靈臺不滅西教盛千燈萬燈總一燈燈燈相續明真性

### 尋丹源自白楊坪至高都

淺草平沙曲繞汀淙淙出自白楊坪泉流司馬山陰後獨許酈元注水經

共以長平爲附會伏尸流染血成丹祇因虛信元和志更說源頭在可寒

伏流隨處見龍潭行次巴公浪欲涵漚得雙泉東去水秋

田蔬圃似江南

大丹小丹原屬訛深水淺水不成波秋來濁雨噴流下交

到垂都成一河戰國策秦焚垂都即高都也

苻秦王武侯祠俗傳王翦土人改祀王猛

馮傑

澤土淫祠多難將源流溯古廟祀王翦其說原有誤厲鬼

魄不靈血食人所惡改祀秦武侯尚屬有其故江東無卿

比捫虱談世務魚水君臣歡千載僅一遇出師表伐燕兵

次上黨路一戰功已成傳檄下澤潞鄧張敵萬人不戰民

心附止戈乃云武殺隆恣神怒羸帥尚誅殘絕無恩澤布

鳳臺縣志 卷之十八 詩 三

似此仁義師功德本自具壺漿當時迎賽社後人慕載歌

侑神曲洋洋神來赴

過李莊靖先生墓有感 王培嗣

衰草白楊客斷魂殘碑磨滅杳無存楊兒亡後仲修繼何

必先生有子孫莊靖集有賜子楊洗兒詩元世祖令旨云以姪孫仲修為後或楊兒早亡也

晚季誰當最上流徵車直可傲王侯文章學術千秋在誰

識當年土一坵

訪秦吳二主祠不知其處 烏汝槐

秦吳二主祠莊靖留佳句揖讓與干戈考核無所據見莊靖詩

若云秦祖龍殺降失仁恕如云吳太伯採藥朱方著此土  
均無功英靈恐未聚聖暴兩分途異代羞同居吾謂秦主  
堅高都傳檄諭又謂吳王垂壺壁戰功具雖非王者兵市  
肆安不懼况乃吳事秦君臣稱竒遇愛賢無能殺敗嗣得  
其助上章天命陳欲全終始譽配享合一堂土人深心寓  
我欲尋遺基萬山迷風雨踟躕岐路悲渺漫不知處

高都

周作謀

一帶環丹水週圍列遠峰烟消秦戰壘  
秦蒙鰲兩樹老漢  
侯封民有淳龐俗路當冠蓋衝禪林聊憇馬暫解葛衣鬆

鳳臺縣志

卷之十八

詩

三九

金

詩餘

梅花引

過天門  
關作

趙秉文

山如峽天如席石顛樹老冰崖拆雪霏霏水洄洄先生此  
道胡爲乎來哉石頭路滑馬蹄蹶昂頭貪看山竒絕短  
童隨皺雙眉休說清寒形容想更饑

千秋歲

尋秋阜城訪  
曹陶菴孝廉

王維藩

澗曲峰迴游盡秋難賦鴈不到將秋誤啾唧壁無蛩蕭瑟  
山無樹人止見髻邊昨夜霜微度

蕭灑淡如菊潔靜人如玉枕孤邱蛻世俗安步以當車  
食以當肉晏如也萬壑秋風藏公腹

明

西江月 觀瀑水  
簾作

陳 棊

鐵壁翠雲堆裏懸崖細路縈迴丹河轉處境天開元圃瓊  
田堪愛 玉鳳九苞倒下銀河幾派低垂樓臺回首莫言  
歸落日鐘聲雲外

國朝

菩薩蠻 早發星軺驛是  
太行山絕頂處

顧貞觀

鳳臺縣志 卷之十八 詩

四

山城半夜催金柝酒醒孤館燈花落牕白一聲鷄枕函聞  
馬嘶 門前烏柏樹霜月迷行處遙憶獨眠人曉寒驚夢  
頻

臨江仙 石門  
紀遊

王 甸

隔斷紅塵三五里空林一片秋聲千峰壁立掛蘿藤山深  
聞鳥語水淺見魚痕 載滿奚囊徒作贅思量擊碎胡琴  
眼前流水是知音遠懷超大塊浩氣壓孤雲

驀山溪 再遊  
石門

兩山拳對似互撐頭角往跡杳難追料出自神工斧削碧



浚掀浪蒼翠扶懸厓摹積石傲龍門省瞿塘三峽  
樵牧指巖間幽穴深窈有誰窺彷彿是神仙舊宅沙  
雁相視總忘機開青眼放雙眉漫向歌林樾

念奴嬌 中秋讌 集衡園

馮繩祖

冰輪絕艷恍廣寒宮裏姮娥凝迹豪興凌雲飛玉笋  
醪醑滿浮濃碧桂子飄香天香靉靄身在華胥國樓空四照  
渠清影歷歷正好宛轉歌喉輕搗箏阮賢王娛佳客十  
二回圓惟此際天上人間良夕對酒當歌人生有幾且息  
圖南翼箇中真意山陰三弄桓笛

鳳臺縣志 卷之十八 詩

水調歌頭

今夕是何夕璀璨玉壺天幸依名賢執友不負此華年聊  
爾逢場作戲何用唵鬚頰撚鳥瘦與郊寒痛飲澆胸次相  
視黠癡間轉銀漢盡玉漏不須眠無窮欠闕須教此際  
十分圓意趣比滇鵬翼文采南山豹露且莫較偏全無限  
蒼涼處都付與嬋娟